

VLADA HERCEGOVAČKO- NERETVANSKOG KANTONA

164

Na osnovu člana 16. stav (1) i člana 17. stav (1) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 95. Zakona o policijskim službenicima Hercegovačko-neretvanskog kantona („Službene novine HNK“, broj: 9/07, 9/12, 7/19, 5/22, 12/22 i 5/23), na prijedlog Ministarstva unutrašnjih poslova, Vlada Hercegovačko-neretvanskog kantona je na 37. sjednici, održanoj 19.2.2025. godine, donijela

U R E D B U O IZMJENAMA UREDBE O UTVRĐIVANJU OSNOVICE PLATA, PLATNIH RAZREDA I KOEFICIJENATA ČINOVA ZA POLICIJSKE SLUŽBENIKE MINISTARSTVA UNUTRAŠNJIH POSLOVA HERCEGOVAČKO-NERETVANSKOG KANTONA

Član 1.

U Uredbi o utvrđivanju osnovice plata, platnih razreda i koeficijenata činova za policijske službenike Ministarstva unutrašnjih poslova Hercegovačko-neretvanskog kantona („Službene novine HNK“, broj: 13/08, 1/09, 6/23 i 7/23), član 3. mijenja se i glasi:

„Policijski službenici su kategorisani u jedanaest (11) platnih razreda, tako što se svakom činu propisuje koeficijent u pojedinom platnom razredu, kako slijedi:

Platni razred	Dodijeljeni čin	Koeficijent
I platni razred	Glavni generalni inspektor policije	5,46
II. platni razred	Generalni inspektor policije	4,83
III. platni razred	Glavni inspektor	3,85
IV. platni razred	Samostalni inspektor	3,41
V. platni razred	Viši inspektor	2,87
VI. platni razred	Inspektor	2,43
VII. platni razred	Mlađi inspektor	2,09
VIII. platni razred	Stariji narednik	1,79
IX. platni razred	Narednik	1,72
X. platni razred	Stariji policajac	1,67
XI. platni razred	Policajac	1,61

Član 2.

Član 5. mijenja se i glasi:

„Obračun plata po koeficijentima iz člana 1. ove Uredbe vršit će se od obračuna plate za mjesec februar 2025. godine.“

Član 3.

Uredba stupa na snagu danom donošenja, a primjenjivat će se za obračun plate počevši od mjeseca februara 2025. godine i objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
VLADA

Broj: 01-1-02-338/25
Mostar, 19.2.2025. godine

P R E D S J E D N I C A
Marija Buhač s.r.

165

Na osnovu člana 16. stav (1) i člana 17. stav (1) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 18. Zakona o dopunskim pravima branilaca i članova njihovih porodica u Hercegovačko-neretvanskom kantonu („Službene novine HNK“, broj: 6/18, 4/21, 7/22 i 11/23), na prijedlog Ministarstva za pitanja boraca, Vlada Hercegovačko-neretvanskog kantona je na 39. sjednici, održanoj 3.3.2025. godine, donijela

UREDBU O IZMJENAMA I DOPUNAMA UREDBE O JEDINSTVENIM KRITERIJIMA I PRAVILIMA ZA ZAPOSŁJAVANJE BRANILACA I ČLANOVA NJIHOVIH PORODICA U HERCEGOVAČKO- NERETVANSKOM KANTONU

Član 1.

(Predmet Uredbe)

U Uredbi o jedinstvenim kriterijima i pravilima za zapošljavanje branilaca i članova njihovih porodica u Hercegovačko-neretvanskom kantonu („Službene novine HNK“, broj: 1/24) u članu 1. u stavu (2) riječi: „jedinice lokalne samouprave“, zamjenjuju se riječima: „jedinica lokalne samouprave“.

Član 2.

U članu 3. stav (4) mijenja se i glasi:

„(4) Korisnici prava po ovoj Uredbi su lica iz stava (1), (2) i (3) ovog člana koji imaju prijavljeno prebivalište u Kantonu i najmanje pet godina prije objave konkursa na koji se prijavljuje.“

Član 3.

U članu 4. stav (4) mijenja se i glasi:

„(4) Pravna lica utvrđena članom 1. ove Uredbe obavezne su prilikom raspisivanja konkursa kao dokaz o ispunjavanju uslova tražiti dostavljanje dokumentacije koja je propisana u prilogu 1. ove Uredbe i čini njen sastavni dio.“

Član 4.

Član 5. mijenja se i glasi:

„(Vrednovanje)

(1) Utvrđivanje prioriteta iz ove Uredbe vrši se na način da se licu iz člana 3. stav (1), (2) i (3) ove Uredbe bodovanjem ostvarenim na osnovu općih i posebnih kriterija, nakon provedene kompletne procedure testiranja uključujući i intervju, a koje se nađe na Listi/Popisu uspješnih kandidata, na ukupan broj tako ostvarenih bodova, u zavisnosti od pripadnosti branilačkoj populaciji dodaju dodatni bodovi primjenom postotka u tabelarnom prikazu, i to za:

R.b	Branilački status	Postotak
1.	Dijete poginulog, umrlog, nestalog branioca bez oba roditelja	40%
2.	Dijete poginulog, umrlog, nestalog branioca	25%
3.	Supružnik poginulog, umrlog i nestalog branioca	20%
4.	Lica u statusu ratnog vojnog invalida od X grupe kao i njegovi supružnici i djeca: 15,5 % + 0,3 % za svaku narednu grupu invalidnosti do I grupe	15,5 – 18,2 %
5.	Lica u statusu demobilisanog branioca kao i njegovi supružnici i djeca: za 1 godinu učešća 10 % + 0,1% za svaki mjesec učešća branioca u Oružanim snagama	11,2 % - 15,5 %
6.	Dobitnici ratnog priznanja i odlikovanja I grupe kao i njegovi supružnici i djeca: dodatno (na osnovu statusa iz prethodnih tačaka)	3 %

7.	Dobitnici ratnog priznanja i odlikovanja II grupe kao i njegovi supružnici i djeca: dodatno (na osnovu statusa iz prethodnih tačaka)	2 %
8.	Dobitnici ratnog priznanja i odlikovanja III grupe kao i njegovi supružnici i djeca: dodatno (na osnovu statusa iz prethodnih tačaka)	1 %
9.	Lica u statusu maloljetnih branilaca: dodatno (na osnovu statusa iz prethodnih tačaka)	3%
10.	Djeca umrlog ratnog vojnog invalida i demobilisanog branioca dodatno na osnovu statusa umrlog roditelja (na osnovu statusa iz prethodnih tačaka).	1%

(2) Ukoliko oba roditelja imaju status lica iz člana 3. ove Uredbe vrednuje se prioritet koji je povoljniji za korisnika prava.

(3) U slučajevima kada se primjenom prioriteta iz stava (1) ovog člana za dva ili više lica utvrdi jednak broj bodova, imaju se primijeniti prioriteti na osnovu reda kategorija pobrojanih u stavu (1) ovog člana“.

Član 5.

Član 6. mijenja se i glasi:

„Upravni nadzor nad primjenom ove Uredbe vrši Upravna inspekcija Ministarstva pravosuđa, uprave i lokalne samouprave Hercegovačko-neretvanskog kantona ukoliko se radi o kantonalnim organima uprave, kantonalnim upravnim organizacijama, jedinicama lokalne samouprave i Ministarstvo zdravstva rada i socijalne zaštite – Inspekcija rada ukoliko se radi o pravnim licima čiji je osnivač Kanton, jedinica lokalne samouprave, odnosno koje se finansiraju iz Budžeta sa učešćem od najmanje 25%.“

Član 6.

U članu 8. u stavu (1) iza riječi: „su“, dodaju se riječi: „u općim aktima kojima se reguliše zapošljavanje“.

Iza stava (2) dodaje se stav (3) koji glasi:

„(3) U roku od 15 dana od dana stupanja na snagu ove Uredbe, ministar za pitanja boraca u Hercegovačko-neretvanskom kantonu donijet će propis o primjeni članova 3., 4. i 5. Uredbe“.

Član 7.

Dosadašnji prilog 1. zamjenjuje se novim prilogom 1 koji glasi:

„Prilog 1.

**POPIS DOKUMENTACIJE
KOJOM SE DOKAZUJE ISPUNJAVANJE
USLOVA ZA KORIŠTENJE PRAVA IZ OVE
UREDBE**

(1) Dokaz o statusu lica iz člana 3. Uredbe:

a) Dokazivanje učesća u Oružanim snagama R BiH za demobilisanog branioca (člana porodice demobilisanog branioca i umrlog demobilisanog branioca) utvrđuje se na osnovu:

- Uvjerenja koje izdaje nadležna Gradska / Općinska Grupa za pitanja evidencija iz oblasti vojne obaveze, izdato nakon objave Javnog oglasa;

b) Dokaz za člana porodice poginulog branioca, ratnog vojnog invalida (člana porodice ratnog vojnog invalida i umrlog ratnog vojnog invalida) i dobitnika ratnog priznanja i odlikovanja (člana porodice dobitnika ratnog priznanja i odlikovanja i umrlog dobitnika ratnog priznanja i odlikovanja) utvrđuje se na osnovu:

- Uvjerenja koje izdaje nadležna Gradska / Općinska služba za boračko-invalidsku zaštitu prema mjestu prebivališta, izdato nakon objave Javnog oglasa;

(2) Dokaz o srodstvu sa licem iz člana 3. stav 2. Uredbe:

a) Dokazi za djecu:

- Izvod iz matične knjige rođenih korisnika prava (ako se radi o djetetu živog roditelja);
- Izvod iz matične knjige umrlih (ako se radi o poginulom ili umrlom roditelju) po osnovu kojeg ostvaruje prioritet pri zapošljavanju;

b) Dokazi za supružnike:

- Izvod iz matične knjige vjenčanih i Izvod iz matične knjige umrlih (ako se radi o poginulom ili umrlom supružniku);

(3) Dokaz o prebivalištu korisnika prava:

- Uvjerenje o kretanju korisnika prava – kao dokaz o prebivalištu (PBA - 4A obrazac) koji izdaje MUP HNK, izdato nakon objave Javnog oglasa;

(4) Dokaz da korisnik prava nije bio zaposlen na neodređeno vrijeme u stečenoj stručnoj spremi:

a) Za lica koja nisu bila u radnom odnosu:

- Potvrdu Federalnog zavoda MIO/PIO da se isti ne nalaze u bazi podataka matične evidencije aktivnih osiguranika kod Federalnog zavoda MIO/PIO, ne starije od dana objave Javnog

b) Za lica koja su bila ili su u radnom odnosu:

- Potvrdu Federalnog zavoda MIO/PIO (AM obrazac) i Uvjerenje/Potvrda svih poslodavaca kod kojih je korisnik prava imao/ima zasnovan radni odnos, sa jasno naznačenom dužinom trajanja ugovora (određeno/neodređeno vrijeme) i naznakom stepena stručne spremlje s kojom je radnik zasnovao radni odnos kod poslodavca, ne starije od dana objave Javnog oglasa.

Član 8.

Uredba stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO- NERETVANSKI KANTON
V L A D A

Broj: 01-1-02- 436/ 25
Mostar, 3.3.2025.godine

P R E D S J E D N I C A
Marija Buhač, s.r.

166

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), na prijedlog Ministarstva unutrašnjih poslova, Vlada Hercegovačko-neretvanskog kantona je na 37. sjednici, održanoj 19.2.2025. godine, donijela

**O D L U K U
O DAVANJU SAGLASNOSTI NA
KOLEKTIVNI UGOVOR
IZMEĐU VLADE HNK I SINDIKATA
POLICIJE U HNK**

I

Daje se saglasnost na zaključenje Kolektivnog ugovora između Vlade Hercegovačko-neretvanskog kantona i Sindikata policije u HNK.

II

Kolektivni ugovor iz tačke I Odluke čini sastavni dio ove Odluke.